

OMUKWETU





Ondjodhi ye inayi gwila pevi

Ino dimbwa elalakano loye

Ofikola ya hovela vali, nosho yo oilonga aishe yomudo ya tameka. Ovanafikola yo paife ove ku uditile ve li meetundi davo tava hafele komhito ei ve i mona. Naau inee i mona omhito ya tya ngaha, okwa mona nale etokolo laasho e na oku shi longa nelitule mo linene.

Ovalongi ova konga nova longekida eendjila diwa dipe dokuhonga, opo ovahongwa vavo va mone omukalo muwa wokutambula osho tave shi pewa. Ngenge nee okaana konye kake mo shaashi ke li manga koimuna fimbo to ninganinga po vati, ou shii otaka ka shikula vali oinima ke lwete omutwe noxulo? Otaka ka shikula mo ashike omukoo wombwa.

Vali ope na oivilo ihapu neudo. Omalinyengo ayo shiimba taa ka kala po omahapu peenhele neenhele, nokape na omalimbililo, aishe ei otai ka shila eendunge nomadiladilo aeshe okaana, nde otashi dulika ka dimbwe yo nelalakano lako. Hano shiimba naashi oshi shi yo okukonekwa, hasho? Okulye nee mbela? Okovalongi ile okovadali?

Eefikola dimwe nokuli oda indilwa di kwafe moivilo ya tya ngaha momahokololo nomomaimbilo. Lo etonatelo itali ti ngeno kutya kuha kale ekwafo eli, ile ovahongwa kave na omhito yokuhafela oshivilo eshi shongerki sha fimana, ahowe. Ndelene va teeleda oiimati iwa pexulilo lomudo, eshi va wanifa oina-kuwanifwa yavo.

Momaupyakadi etu aeshe natu dimbulukweni kutya ofye ovahongi pamwe naKristus. I Kor. 3:

Ngoka u na Ondjalulamasiku 1970 inaayi pwa po natango oku-landwa, onawa ngele to yi shuni-
tha kOstola yOmambo manga Febuluali inaagu pita.

Omulumentu gumwe ha longo moholosaila onene ckwa kala he endagula nokuulika iinima yongeshefa yomuhona gwe. Molweendo oya tseyathana nomunangeshefa edhina lye Benton, noya panga uukuume wa kola. Kuume kaBenton sho a pitile po ishewe nondumba yiinima, Benton okwa kutha po iinima yeyalulo li vule ndyoka ha mbeestele shito, ihe kuume ke okwe mu zimine ngaa nomwenyo omwanawa e shi ninge oshoka e mu inekela unene. Okwa tseyithile wo aahona ye kutya omulumentu ngoka omwiinelkelwa momukunda gwawo aguhe.

Benton iha nu iikolitha, ye iha landitha omakaya mostola ye. "Ombimbeli yandje otayi pangula iikolitha nomakaya, onkene kayi na nando eha mongeshefa yandje," osho ye mwene ha ti.

Oomwedhi hamano odha piti po neyalulo inali futwa natango. Aahona yoholosaila oya lombwele kuume kaBenton e mu kumagidhe a fute ando mbala. Nguka sho kwa yi ko okwa didilike kutya ostola ndjiyaka oyi li meshunduko enene, naa ngoka ta landitha mo esiku ndyoka inaa tseyathana nawa nando. Okwa shuna owala kegumbo inaa monathana nakuume ke, nokufatulula onkalelo ayihe kaahona ye. Aahona oye mu uvanekele nga andola kutya itaa ka thimnika nando omulumentu ngoka.

Sho pwa piti ishewe oomwedhi hamano kuume kaBenton okwa lombwelwa iinima yawo nakuume ke ye yi opaleke mbala. Kuume kaBenton okwa li u uvite uudhigu omolwoshinima shika, oshoka okwa li ina hala nando okuthiminika kuume ke a fute oongunga dhe. Uusiku auhe ina kotha nando, sho ta dhiladhila omukalo tagu opalele kuume ke oguni. Molwaasho dha nyengele aniwa nomuselekadhi, naye wo nani a ka gwile ombungu nokuyaguma kuume ke.

Ondjodhi oya li aniwa kutya sho e ya pegumbo lyakuume ke okwa adha egumbo alihe lya gongala tali ningi owandaha. Kuume ke sho e mu mono okwe mu hambelelele nokwe mu indile a gundjile manga opo ya ninge owandaha ya tsikile nawa iinima yawo. Powandaha Benton okwa lesa aniwa Epsalmi 23 a ti ngeyi:

"Omuwa oye omunambaanga gwandje itandi ka hepa sha. Ota langeke ndje mevi lyoshingoli nota ulukile ndje nkene ndi na okuyepa iipotha moveta omolwedhina lye, Eeno, nonando ndi na okweenda momuzile

OMAKUNDIFO

Onamida, Oukwanyama: -- Tate nameme Kornelius H. Nepela otava kundu ovanashilonga aveshe vongerki yaElok tava ti: "Peweni eenghono nenangeko noupuna mOmwene, opo mu dule okuhumbata oshilonga osho shinene noshidjuu sha tulwa komapepe eni, "Lilungameneni nye vene omitima deni mu hedi lolole nokunwa ondala, nokukolwa noshisho shoipalwifa nefiku linya lihe mu hange diva inamu li teeleda," Luk:21:34.

Megumbo lyeni omu na tu oshifo shOmukwetu?

gwoongunga itandi tila oshiponga, oshoka ongoye O.nuwa wa kala pungame. Oshisiliveli shoye noshingoli otayi mangu-lula ndje. Ongoye oto longekidhile ndje ondjila montaneho yaapuli yandje yoongunga. Okayo kandje otaka udhichwa nomahooli, noshite-nga shandje otashi fulukile pevi. Elago nesilohenda otali landula ndje aluhe, moku-kalamwenyo kwandje, notandi ka mana iipotha omolwedhina lyOmuwa."

Ongula kushe, okwiidhenge mondjila yoomaila 8 okuya kukuume ke Benton. Okwa kumwa unene, oshoka ayihe konyala yi li ngaashi e yi yaguma. Okwa hambelwa ku kuume ke, noya ningi mbalambala owandaha mpoka Bentona okwa lesa Epsalmi 23, ihe ina lesa ngashi e shi yaguma. Konima yokulesha newi lya yela nawa oya tsu oongolo Benton nokwa galikana Kalunga noku mu etela oompumbwe dhe adhihe. Okwa tseyithile Onuwa nkene e na oongunga ndhoka dha li dhi na okufutilwa nale nokuli, opo a vule oku dhi futa esiku tuu ndyoka. Okwa galikanene wo kuume ke ngoka e ya oku mu talela po.

Konima yowandaha oya yi kositola nomanga taa piti mosheelo, nomulumentu gumwe te ya eendeleda, nokwa ti:

"Omumwameme Benton, tate okwa tumu ndje, oshoka okwa hala okulanda po egumbo lyoye alihe, naashihe shi li mo, ngashi ngaa mwe shi popile naye aniwa omasiku ga piti. limaliwa oyo mbika, naashono sha hupu ote ke shi eta natango."

Benton okwa taamba iimaliwa mbyoka nomahodhi taga tondoka ye ta kongo embo-lyokunyola oonzapo dhiitaambwa. Konima yominute dhontumba ota gandja ishewe okanzapo kukuume ke a shaine po oshoka ongunga yawo yoholosaila ya futwa po. Oholosaila oye mu nyolele ombapila ombwanawa yepandulo sho a kondjo nando nuudhigu.

Yangapi ya kondjo pamwe nEpsalmi ndika momaudhigu gawo?

Elundululo

EMISA LAKATOLIKA OTALI LUNDULULWA KANINI

Rome- Elaka la dja muItalia la tumwa neengerki adishe daKatolika otali ti kutya Emisa (elongelokalunga longula) olo la longifwa mongerki okudja nale fiyo nena, otali lundululilwa paife momalaka ovadalelwa mo, nokukanifa mo oitya yOshilatina.

Elongifo lEmisa lipe otali dulo okuhovela eti-30 Novemba wodula ya ya, ile pehovelo lodula ei, osha tokolwa koshoongalele sheengerki daKatolika fimbo sha ongalele mouhamba womupapa Paul VI. Emisa olo la kala melongifo ekulu okudja 1567, pefimbo lOmupapa Paul IV ta lele ongerki yaRoma. "Eshi kashi shi naanaa kutya Emisa lipe, osheshi eenghono dalo noukwatya aushe walo oi li ngaashi shito, inai lunduluka nande," osho Paul VI a tonga.

EMANGULUKO OKO LI LI

Joh. 12:25-33

Opwa piti ngashingeyi omimvo odhindji sho epangelo lyaEngiland lya gandja emanguluko kaavalelwamo yaRhodesia,, ihe kombinga yaavalelwamo yo yene oyu uvite itaa li nando iiyimati yemanguluko ndyoka nokaye na elago mulyo, oshoka oyu uvite natango ope na oonkondo dhilwe tadhi ya thindi pevi.

Ihe nando osha tya ngeyi onkene nga etokolo lyaEngiland olya shainwa lya pwa, noli na oonkondo manga inaali lundululwa ishewe.

Ngiika pamwe mongerki yaKristus megongalo lye omu na oyendji taa kugu taa si koonkondo dhuupika. Oyu uvite kaku na emanguluko nokaku na etegameno lyehulilo lyoonkondo dhasatana. Ihe nando ongaaka onkene ngaa ondjila yondjambo yohole yaKalunga oya longwa ya gwanithwa ya pwa.

Kalunga mwene okwa yamukula egalikanoindilo lyOmwana omuholike sho te tu kondjele oku tu mangulula muupika a ti: "Onde li adhimitha notandi li adhimitha natango." Ov 27.

"Sha longwa sha pwa," osho omumangululi Jesus okwa igidha ngaaka. Satana na geye ngiini, nenge na ndundume ngiini, mboka yi itaala kutya ombinzi yaJesus oya shaina po ya mana, itaa haluka we nando, oshoka oomwenyo dhawo odha tumbwa mo mevi lyomalimbililo nodha aalelwa pamwe naKristus komushigakano gwetegameno no-gwesindano. Ov. 32.

Engiland ota vulu okulundulula etokolo lye nokudhima po eshaino lye, nenge ishewe ota vulu okunyen-gwa okutsakanitha shono e shi uvanekele aavalelwa mo yaRhodesia, ngashi gumwe okwe mu ula kutya oye ombwa kaayi na omayego, ita vulu we okulumata.

Ihe epangelo lyaKalunga otali vulu okuhanagula po epangelo lya-satana esiku kehe lya hala mongerki ye, mungame nomungoye. Molwashike itashi ningwa? Tse wo kombinga yetu tu na oku shi itaala tango kutya otashi vulika twaa na omalimbililo, oshoka oshili oyo ndjoka kutya: Ondjila yondjambo yohole yaKalunga okutu mangulula muulunde oya pwa nale.

Sebulon Ekandjo

SITETU MOMEHO GETU

"Abraham kapi ana mono uhingiro. Rorunzi ana diragura yikorongo yendi. Nye nkenye apa ana zi po ana tungire po Hompa sizambero, age ana mu kanderera," edi musita Natanael Sirongo ana tumbura eti-23.11. 1969.

Mezuva lyosipito sakukanderera Hompa yeyi ana rujanisa Vaduni kutunga sinagoga zawo momukunda gwawo mepongero lyaMpungu, musita a tanta asi:

"Eyi muna tungu nzugo ezi Ka-



Pombanda Aayelee yamwe ko-Mpungu, nokolulyo omusita Natanael Sirongo. Pevi Omuhimba kuuninginino wOwambo nokana ke. Etumo oko li li natango.



runga muna zi tungire. Ntantani none vana vaAbraham. Karunga ana lihorora kweni asi one vendi. Eyi muna rugana ngesi tasi tanta asi muna hara kuligava kwaKarunga. Karunga ogu mwaha mu siga hena, ntene tamu ka diruka po apa dirukeni nendi."

Rudi oru rwa kara naKarunga gwaro rwerago. Tareni Abraham kwa kere ngo nkaro zeni, ana gendagura nye kapi ana sigi Karunga. Kareni naKarunga monomutjima deni. Ngano mu tante asi, ose momukunda gwetu tuna hara kuruganena Karunga."

Mezuva olyo nane Hellin Elomää ana resa edi Luk. 12:31, ana tanta a si, "Ogu ta papara Karunga ka-



pi ta kara ngororo, age ku mu gwederera ko yopeke hena."

Ferani Marjatta ana sanseke ngapi omu ana kambadara nawo moyirungana yomawoko siruwo esi gakere koMpungu.

Ntantani enyango lyoyirugana yomawoko geni tali moneka. Siruwo sina kapi muna tu zuvu, nye ntantani one vene tamu si sanseke. Ame mokutara eyi tani tanta asi mwenyo gwange hamberera Hompa."Sinagoga ezi unene wazo ngesi moure nontambo 9 monompatji nontambo 5. Vene vanazi rugana nomukwafi gwawo Erastus Hiskia.

Vanerongerero wovadunigona vana dimbi rusumo: "Na hara kufana Jesus" meraka lyawo. Musita Sirongo kwa hangisa sipito nononkango edi:

"Karunga kwa pungura etungiko lyendi moyikandeko yetu. Karunga kwa hara nomutjima detu di kare nzugo zendi."

Murongi gOvaduni:

■ Otilie Shanyengana.



Omuwiliki gwaagundjuka kOka-
vango Oiva Shikwaya

OSHILONGA MOKA- TI KOVANYASHA NEUDO

Ovanyasha vakwetu amushe mO-wambokavango nomehalakano, on-
nda hala tu likundeni moshinima
shimwe okutwaafana omukumo.
Mongudu yovanyasha keshe omu
na oilyo yovanyasha oyo i lile po
ongudu, nohai kundafana alushe
nokutala nhumbi tai xumifa ongu-
du komesho. **Noilyo ei oyo Omu-
tima wongudu.**

Mongudu ei omu na omuwiliki
wongudu a fa mwene weumbo, a-
lushe oku na okukonakona eeteki-
sti dOmbibeli defiku loshoongalele
ngashi di li po da hoololwa nale di li
melandulafano leetundishoongalele.
Alushe oku na oku lipula: Ohandi
kutifa mbela ngahelipi ovanyasha
nomashinishini omeendjovo daKa-
lunga inamu ya mo sha? 1Petr.2:-
2-3.

Omuwiliki wovanyasha keshe na
kale a pya shili e na ondjungu. Ina
kala a tafa, a mya, a kakadala.
Ngenge ta kala ngaha, otashi etele
ongudu ounghundi

Omunashilongatumo nomuviya-
uki moilyo yongudu alushe ove
na okuyelula omesho avo okutala
keembinga neembinga unene mo-
mikunda domaongalo avo, oko o-
ngudu yovanyasha tai dulu okuya-
ko nokuhokolola **Jesus Kristus Oye
Omwene.**

Inashi wapala unene omufitao-
ngalo nomweevangeliste ovo aveke
va lambalale omikunda okuudifa,
manga ovanyasha va mwena ashi-
ke mOngerki. Ongerki oi na ova-
udifili vahapu Oshoondaha keshe.
Otashi dulika nokuli ovanyasha ve
litule momalweendo oivike ivali ile

Tala kepanja 5

NGOYE OGWALYE?

Oshigongi shaagundjuka shOngerki ayihe mOlukonda 1-5.10. 1969 edhi-
na lyasho oyo eyamukulo kepulo li li pombanda. Edhina lyoshigongi
olya li; "NGAME OGWAKRISTUS." Eno oshili ethimbo lya thikana, opo
omugundjuka kehe moohapu, monkalo nomiilonga i iholole kutya, ye o-
gwalye. Otashi tu nyanyudha sho tapu dnimbululwa sha yela kutya, aa-
gundjuka nomOngerki yetu omu na mboka taa hempulula meifupipiko
kutya, "Ngame ogwaKristus" ngoka osheelo shokuya megulu.

Ngashingeyi kapu na we ompumbwe ndi hokolole oshigongi shika,
oshoka osha hokololwa nawa lwaali miifo ya tetekela. Ngashingeyi mpa-
ka otandi eta wo ehokololo lyashoka sha gongelwa kaagundjuka mo-
shigongi shokOlukonda.

A. OMAGONGALO

ONDONGA

1. Olukonda	R280.00
2. Eheke	193.00
3. Onayena	70.00
4. Okaku	63.00
5. Oshitayi	62.00
6. Oniipa	61.00
7. Oshigambo	60.00
8. Ontananga	60.00
9. Onyaanya	60.00
10. Omuntele	41.18
11. Okankolo	31.00
12. Oshaango	20.35
Kumwe	1001.53
Omalweendo ga eta	92.00
Ondonga kumwe	R 1093.53

UUNINGININO.

1. Oshakati	R100.00
2. Okahao	75.00
3. Nakayale	63.00
4. Elim	61.00
5. Oniimwandi	61.00
6. Tshandi	60.00
7. Onaanda	60.00
8. Ogongo	60.00
9. Onangalo	60.00
10. Ompundja	60.00
11. Onesi	42.00
12. Onawa	33.00
13. Othika	17.00
14. Elondo	11.00
Shaangalala	30.00
Etundamindamba	25.00
Uutsathima	40.00
Kumwe	R858.00

Osumina naagundjuka 37.22
Omalweendo ga eta 162.00
Uuninginino kumwe R1057.22

UUKWANYAMA.

1. Ohalushu	67.00
2. Ongwediva	65.00
3. Edundja	61.00
4. Endola	40.50
5. Olupandu	52.00
6. Ongenga	53.00
7. Engela	30.00
8. Okalongo	33.00
9. Onheleiwa	31.00
10. Ondobe	23.00
11. Okatope	13.00
12. Eenhana	14.00
13. Kongo	14.00
14. Omundaungilo	00.00
Kumwe	496.50
Omalweendo ga eta	120.00
Uukwanyama kumwe	R 616.50

OKAVANGO

1. Rupara	R 60.00
2. Mupini	53.40
3. Nkurenkuru	40.00
4. Mpungu	33.00
Kumwe	186.40
Omalweendo ga eta	43.00
Okavango kumwe	R229.40

AAYENDA	
Walvisbaai	R33.30
Grootfontein	10.00
Tsumeb	8.00
Kumwe	R51.30

B.

OMAGONGALO GA SINDANA

Ondonga	Uuninginino
1. Olukonda	1. Oshakati
2. Eheke	2. Okahao
3. Onayena	3. Nakayale

MOSHITAYINGERKI KEHE:

Uukwanyama	Okavango
1. Ohalushu	1. Rupara
2. Ongwediva	2. Mupini
3. Edundja	



A. Haileka

Oshilonga shovanyasha neudo

itatu ya landulafana tava udifa Oshoondaha keshe momikunda. Vamenhoonye, oita ovanyasha, ongulungulu ovakulunhu.

Hai ti: meongalo eli omu na tuuhano ovanyasha? Omu udite tuu onghuwo eshi tai kuu momikunda deongalo leni? Ovanhu kwinya otava dedaulwa kusatana nde omwa mwena ashike.

Ovanashilongatumo, ovaviyauki, novadiakoni, longekideni ongudu yovanyasha, kwateleni komesho. Oshiwana komikunda otashi kuu tashi indile shi popilwe. Inamu kala vali mwa mwena.

Hamushanga wongudu e na okushanga alushe osho tashi kundafanwa momutima wongudu, naashi tashi tokolwa kongudu yovanyasha, paha kane nande oshimwe. Hamushanga na kale e na eke liwa ta nyola oinima yu uditike nawa, opo yu uye i leshwe komapipi taa ka twikila komesho.

Omufitaongalo keshe meongalo nomweevangeliste ove na okutalela po ongudu yovanyasha noku i twa omukumo. Ovaevangeliste mehalaalakano ovo ovakulunhu veengudu dovanyasha, alushe ove na okushunifa oshiponga ngenge tashi uya mongudu, noku va pukulula nawa mwaasho tashi va nyenge meetundimbibeli davo.

Umwe womongudu nge ta mono oshiponga tashi uya, ne shi lombwele umwe womomotima wongundu, notashi tuvikilwa shi ka kundafanwe nawa.

Omunyasha Sumina omikunda deongalo leni, Sumina olukanda leni, ino nangala, Sumina.

Abraham Haileka

EGONGALO LYA SINDANA MONGERKI AYIHE:

C.

1. Olukonda	R280.00
2. Eheke	193.00
3. Oshakati	100.00
4. Okahao	75.00
5. Onayena	70.00
6. Ohalushu	67.00

D. OSHITAYI SHA SINDANA

1. Ondonga	R1093.53
2. Uuninginio	1057.22
3. Uukwanyama	616.50
4. Okavango	229.40
5. Uushimba	51.30
Omandhindhiliko ga eta	47.00
Ongalo SUMINA ya eta	80.37
	R 3112.32

Mpaka otatu pandula omagongalo gaKavango, omagongalo ngaka omashona ihe oga gongele oshindji. Ngele otatu tala nawa otatu vulu okutya, Oshitayi shaKavango osho oshisindani. Aamwameme yokUushimba oya lwa iita. Elongelokumwe olyo oonkondo tadhi sindana. Osho wo oshikumitha mboka taa kondjelwa momapyatumo oyo taa longo oshilongatumo ya kutha mo oombayikitha. EGONGALO KEHE TO TALA MELANDULATHANO NDIKA INAALI GONGELA R60.00 INALI PITA MEFANEKO LYA LI LYA FANEKELWA OMAGONGALO OORA-

NDA R60.00. Tala egongalo lyeni ngele olya pita nenge one mwa ndopa. Omagongalo ta ga talika ga sindana nesindano enene ogo omagongalo ngoka ga kondo R160.00 Nogo nga Olukonda lwaNakambale halu kondele omatamba. Omo mwa li ongerki yetu moka twa li hatu ngalele ya lukwa "NAKAMBALE." Negongalo etiyali olyo ngaa EHEKE OLYO LYA NINGI omasiku hali sindana. Osha yela kutya, osha longo nga Aalukonda haa kandeke oyaale ya gandje Olukonda kAaheke.

Omumvo 1970 ngoka to ka thika moshigongi shawo aniwa oto ka tala aagundjuka taa hempulula: "NGAME OGWAKRISTUS" ngoka omutangano nomuhugunini Ehololo.1:17.

Aagundjuka sho ya dhimbulula kutya, evangeli sho tali ka gwanitha oomvula "200" mOwambo yo ya ya nale, ngashingeyi otaa hedha neifupipiko kEpangelongerki ekwaELOK. Opo ngele otashi vulika li ya ziminine ya tungithe okangulu ka kola mepya limwe lyetumo, opo ka ka fale omakundo gaagundjuka yepipi ndika mboka taa ka dhana oshituthi shoomvula "200" Evangeli sho lye ya mevi lyetu, ngele Kalunga ote shi utha shi ka dhanwe muuyuni mbuka nenge pamwe otatu ke shi dhana megulu nokuhambelela Kalunga ketu omolwoonkondo DHEVANGELI.

Dumeni



Aagundjuka yegongalo lyaMuntele moshigongi shaagundjuka yOngerki ayihe oya li taa imonikila nomizalo dhawo ndhoka dho opaleke oshituthi ashike. Dhiginina oshigongi shaandjeni u ka mone wo ompito ya tya ngaaka.

O m i m v o | 7 m E t u m o

Pamautho gOngerki yaElok, Ongerki otayi sile oshimpwiyu iilyo yayo ayihe meni nopondje yayo, opo oomwenyo dhi hungwe dho dhi falwe komwaaludhi. Omuyevangeli Stefanus Iitewa oye wo gumwe gwoyendji ya li noyendji ye li sigo onena meyakulo lyOngerki pondje yOwambo meyakulo lyiilyo yOngerki.

Tate Stefanus okwa valwa 1922. 1946 okwa tameka oskola yuuyevangeli mEngela sigo 1947 manga yi li melelo lyomuhongi Björklund. Sho a piti moskola okwa langekwa tango megongalo lyaandjawa mOntananga nokwa longo oomvula ntano. Opo ihe 1953 Epangelongerki olye mu langeke mokati kiilyo yomehalakano mOmaruru nokwa kala mo sigo 1965. Konima yomumvo nguka kOshilongo shokakambe okwa holoka ishewe oluhepo lwomunashilonga, natate Stefanus okwa tembudhilwa ko no-



Stefanus Iitewa

OLYE A KANITHA

Eti-3.11. 1969 onda heluka mombesa ndjoka hayi ende pokati kOndangwa nOshomeya, pOnyaanya. Ihe onda dhimbulula miinima yandje omu na yimwe yaahe shi yandje. Iinguma ya mangwa niinima yimwe yi li moshako. Ngoka wa kanithila iinima yoye mombesa ndjoka, ila kuVilho Gideon, Onyaanya, ihe ila wo u shi shoka wa mangela moshako.

Vilho Gideon, Onyaanya, Ondonga

OWA TSEYA TU?

Oskola yaaposi tayi tameke, ngele Kalunga e shi hala eti-10.2.1970 mEngela. Aalongwa aakulu otaa vulu okuya. Aalongwa aape otaa ithanenwa moskola ndjika.

Omukuluntu gwoskola

kwa longo mo sigo 1969. Ngashi aluhe kashi shi oshipu okulonga pondje yoshigwana shaandjeni, osho wo natate Stefanus omaudhigu nomahindo oku shi oku ga hokolola, ihe okwa tseyika wo momukumo nomeidhimiko lye esiku kehe.

Ngashingeyi tate nameme Iitewa otaa vululukwa po, ihe onilonga yomevi lyaandjawa pongerki yopOnguta, pOndjondjo, peha lyatate Filemon Nashihanga ngoka Epangelongerki lye mu langeke a kale omuyevangeli mOshitayi. Otatu halele tate Stefanus Iitewa evululuko lyomiilonga yethimbo ele muundjendi a kala mo, ye a pewe oonkondo odhindji noonnya tadhi zi pombanda okutopolela aamati mboka taa ya nenge taa zi kiilonga yawo.

Teteinge yaShituaa

EFIMBO LOITA INENE YA TEYA OUKWANYAMA

Etwikilo...

Mefimbo linya omuhongi Gemann okwa ifana Simson Shituaa nde ta ti kuye:

"Tu yeni kOndonga neongalo alishe." Simson okwa nyamukula ngaha:

"Ame itandi i kOndonga, ohandi kala mOukwanyama wetu." Omuhongi okwa ti:

"Shituaa, otwaanye kOndonga, oto kanifa ovanhu vaKalunga ava to kala navo mOukwanyama." Simson okwa ti:

"Kalunga ote tu kwafa, nde te tu amene."

Opo tuu opo omuhongi ova tauka ko kOndjiva, ye Simson te uya meongalo lomuhongi Velise mOnguma. Simson tava tula momukunda Onanime. Pefimbo eli omuhongi oo Velise a xuuninwa mOukwanyama, a dja mo yo, neongalo ola kala momake a Simson.

Okwa tunga ongulu yofikola, ta hongo ovashashwa novakolekwa. Efiku limwe Shituaa okwa ifanwa kovahona Omuputu nOmwii- ngilisha, nde tave mu pula tava ti:

"Eshi to hongo ngaho ovanhu, otava shashwa notava kolekwa kulyelye?" Simson okwa nyamukula ngaha:

"Kalunga te tu kwafa ngaho,

e tu tumine omuhongi e va yakule," ovahona ndee va mwena filu.

Opo nee ovaudafana novahongi nde tave mu pe epangelo, okupangela Ovakwanyama ava va ama kombinga youninginino waNamakunde. Keshe omunhu e na eendjovo naye kuShituaa, oye e va ete kombonge (kombelewa). Ovanhu ova hovela okweetela Simson eembubo, nde ye te di anye eembubo davota ti:

"Ame itandi tambula ombubo, kashiimba oumushima eshi to yandje ombubo opo upopilwe, u pe-we oonongo nande ou na oushima."

Opo nee ovanhu ova ti kutya, omukriste ou ina hala eendjovo detu, e di popile nawa kovatilyane. Opo nee omalenga novapiya ova ya kuKamhulu kaMuyelele kOhaingu, oye e va twale kOmbonge.

Omuuhongi eshi a ya kOndonga, okwa fiila Simson omti a yakule ovakriste ava tava kwatwa koudo opo vaha ye keendudu doshipaani. Omukriste umwe okwa kwatwa koudo munenenene. Omti yo ya pwa po. Simson okwa li e na ondada imwe aike yokiina. Simson okwa ya nayo komunaudu, nde ta indile ta ti:

"Medina loye Jesus Kristus, ohandi yandje ondada ei yokiina komunaudu wetu ou, mololuhepo letu, mu velula, opo tu haye keendudu doshipaani. Ove oluhepo letu ou li wete Jesus Kristus, Amen." Jak.5:13-16.

Ongula eshi kwa sha, omunaudu e lipendula ye mwene, nande a kala ta pendulwa shito kovanh. Simson Shituaa oye mwene a hepaululila nge eh paululo eli, eshi nda ya keumbo laye kOnanime pamwe novahongwa vange okuka u-da omambo, twa dja pOhangwena, omudo 1917.

Taku twikilwa.



Omumbisofi L. Auala a galuka ishewe koshigongi shewilikongundu lyongonga yaakwaLuther kuEuropa oku li nawa unene.

OUNYUNI OTAU TONGO SHIKE

NIGERIA

Iita yaakwashigwana muNigeria mbyoka ya kala uule woomvula mbali netata, oya hulile ngashingeyi moluhepo oludhigu, mondjala kaa-ye yi shi nomeiyekelelo enene.

Manga aakwiita yaBiafra 6,000 lwaampoka taa tula po iikondjitho nokwiigandja kaakwiita yepangelo enene lyoshilongo, yo England, Amerika niilongo wo yilwe yokuu-ninginino, otaa ipula miilongo yawo shoka taye shi ningi po, opo ya hupithe iihupe yaAabiafra keso lyiita, kondjala nenge komikithi noku- luhepo lulwe ndoka lwe ya taalela.

Portugal, Frankryk naSuid-Afrika ayeke ya kumagidhwa nokugandwa kuNdjayi Jakubu Gowon, mwene gwoshilongo shaNigeria, opo yaa yekelele nando okutuma ko ekwatho lyawo col.Odumegwu Ojuku, nakuwilika oshipotha shaBiafra, sho a mono kutya, Shipanga ta nyenge Nangolo, ye moshilongo otinyombo mo, noina ku tseyika naanaa oku li peni we.

Oshigwana ashihe osha li sha tengenekwa shi thike poomiliyona 55. Pethimbo lyiita mboka ya si, ngele okondjala nenge komikithi, nenge mokumbombwa otaa tengenekwa ye tkike poomiliyona 2. Kalunga awike ta vulu okukandula po iita noondumbo nomadhipagathano.

OMEYA OTAGA DHENGELE MOVENDUKA

Oveta yokugamena omeya opo gaa longithwe miinima yowala ngaashi yokutekela omwiidhi pomagumbo gaahona, oya totwa omasiku ngaka naangoka te yi yono ota futithwa R 100 monkatu yotango, nenge R 200 monkatu ontiyali. Okwa ti ngoka te ke shi ninga owina te ke shi italela ko ye mwene.

ZAMBIA

Omumbisofi omunene nomupresidende gwaRepublika yaCiprus, omusamane Makarios oya hangana naZambia omasiku ngaka melongelokumwe lyokukondjitha epangelo itaali simaneke uuthike pamwe womaludhi gaantu mUumbugantu waAfrika, nosho wo melongelokumwe lyomapyo nolyoomina. Omumbisofi Makarios okwa talele po Presidende Dr. Kenneth Kaunda, noye omuEuropa gwtango a talele po Zambia okuza uuna lya mangu luka.

Omusamane Odumegwu ngoka a wilike iita ya Biafra. Sigo ompaka iha popiwa kutya okwa holama peni.



Eedula nhatu a kambuka Oongerki odha tinda efaneko

Omukainhu Berverley Warren, Suid-Afrika, okwa kala paife eedula nhatu e li mekambuko okudja kefiku olo a mona okaana. Meme Warren eshi a mona okamati omutima waye owa fikama, neendohotola oda endelela oku mu tanda nokunyenganyenga omutima waye. Ndelene ashishe osho inashi kwafa sha nande.

Moule wefimbo okwa kala nga he linyenge ashike kanini, iha popi Oikulya oha pewa nokamunino ka pita meyulu. Nдохотola S.P.Coetsee okwa ti kutya ye ota diladila kutya omukainhu ou ota ka kala natango efimbo lile moshitelele eshi, shimha tu ota hakulwa nomiti diwa. Fiyo opaapa okalunduluko kendjangu muko lameme Warren okaningholi.

Salisbury, Rhodesia - Oongerki dhimwe dhaakwaLuther, dhaaKatalika nenge dhilwe, odha dhini efaneko, lyekotampango lyepangelo lyaRhodesia ndyoka tali yugu owindji wAarhodesia ompito nuuthe- mba wokuholola omadhiladhilo gawo ongaantu ya mangu luka, opo ku simanekwe omadhiladhilo ando gaantu ashike yontumba. Efaneko ndika olya ningilwe 20 Juni omumvo gwa yi.

Oongerki oya tindi sha yela kutya yo itayi simaneke nando eto- pagulo lyomihoko dhAarhodesia, ihe otadhi lalakanene uukumwe waantu ayehe muumwayinathana wuuthike pamwe nopwaa na oludhi lumwe po talu dhinwa.

Osoomi

Lwaahwiya kuumbangalantu, popepi naSweedeni, oku na okavi ki ikalela. Ke li kombanda yomafuta. Mu na ooyene ye ka hole. Ye li mo nokunyanyukwa Ye ka luka edhina lyako. Aniwa oko Osoomi.

2

Osoomi oshilongo oshivanawa shi nuunshitwe wo opala. Shi na iheke ya shitika. Yi na omiti dhu ukilila. Shi na uuyamba womeya. Shi na oongundu dhoondama. Sho oshi na wo oongala. Dhi li mo dho opala nawa.

3

Meopalo nomuulenga Aasoomi oya za mo. Ya taaguluka omafuta. Yu uka kuAfrika, Kevi ndi li na iiponga Li na omutenya ku pula. Ihe oye endithwa mbela koshike? Yo ka ye na iipindi?

4

Oskepa tayi kunkula nomunkulo gwAfrika. Sigo ye ya mOmbaye nokuli. Omwa heluka aahongi. Mwa za ooRautanen. Ya zi mo ye na oondjato Dhiinyolwa yaKalunga.

5

Kuku Rautanen ina endela Uushimba. Ine ya kAahelelo. Okwe endela Aawambo. Okwa londo mokateмба. A piti pOnamutuni. A thiki pOmandongo, omOndonga yaNangolo.

6

Kuku nguka Rautanen ine endela iipindi. Ine ya ta halitha sha. Okwe ya ngaa e na oshipeko. Shoohapu dhaKalunga. Tadhi hupitha oomwe-nyo dhaambo yi itaala.

Elaka ndi lyevangeli olya thiki mOwambo. Lye tu kutha moomposi. Twa zi mo momilema. Ngashingeyi tse Aawambo otu na uuyamba uuunene. Woohapu dhaKalunga, moka tu na ehupitho.

8

Ooskola otwa dhikilwa. Oongerki otu na. Iipangelo, ka tale Oshinyanyangidho. Aasoomi oya longa mOwambo noKavango. Ngashingeyi otu na Oongerki yi li miikaha yetu yene.

KOsoomi ndi hole ko ee. Oko kwa zile Nandago. Kwa za Manya lyaNangula. Kwa zile meme Niilonga. Oko kwa zile Nakale. Meme Muntunga-Oontana.

Aakwanyama yaKantene, AandongyaNangolo. Aakwambi nAangandjera naamuhe mu li mOwambo Naa-kwanyama wo, nokuli. Panduteni Aasoomi, sho ye mu igandjele. Omolwaawo mwa ningi oshigwana hashi longele Kalunga.

TUMINE NGE OUYELELE

Mefimbo lopaife ovanandunge vahapu tava ongele okaatoloko noku tala omafano oo taa ulike oinima yomaludi e lili noku lili nohava mbestele koilongo oko opo va mone oinima iwa, i na ombiliha. Eelamba yo hadi mbestelwa opo ovanhu ve li monene ouyelele momaumbo.

Ndele luhapu oinima ei tai kana notai tatuka nokuli meepoosa, manga inai fika kovaifani vayo ya eta nokuli eenhamanana pokati kovatumi novatuminwa. Aishe ei ekwafolokolutu noyongaholela. Omuuv. 1:2-3.

Ndelene Omupisalmi ota ilikana ngaha: "Tumine nge ouyelele." We shi itavela tuu kutya ou na xo omuyamba mwene wofambilika youyelele, omo ouyelele hau longwa notau pewa oshali? Navali ngenge wa pewa ouyelele ou, dimbulukwa kutya owa pewa Jesus mwene, osheshi olo edina laye. Nongengeto diinine ouyelele ou, oto ningi mwoove ouyelele nde to minikile vakweni ovo ve li momilaulu.

J. Ndimuendi



M. Aukongo kolumoho nelenga "Osha li enyanyu enene mokutalela po omahala ogendji niilonga mokati kaamati yetu muC.D.M. Omuhona omunene gwoshilongo okwe tu taamba nohole megumbo lye. Elongelokumwe pokati kaaluudhe naahona tali pangele muC.D.M." osho elenga enene Lisias Aluuma nomuthindikili gwe Mikael Aukongo ya hokolola. Omusamane Lisias elenga limwe mOmbalantu noshilyo shongundu ontotimpango.

IINIMA YA PANGULWA

Ombelewa yoompangu mOvenduka oya tseyitha kutya, iinima yoompangu oya tana nomwaalu 900 momumvo gwa yi, noku shi yeleka nomumvo 1968. Oshoka mo 1969 okwa pangululwa iipotha 13,632, manga 1968 kwa pangulilwe iipotha 12,797. Momiyalu ndhika omu na mboka ya futithwa naamboka iipotha yawo yu undulilwa komeho.

OMUKWETU

Oshifo shOongerki onkwaevangeli paLuther yomOwambokavango
Die Tydskrif van die Evangeliese Lutherse Ovambokavangerk
Oha zi mOniipa.
Omukuluntu gwoshifo/Hoofredakteur Omumbisofi Dr. Leonard Auala,
Amushanga/redakteur S. Ekandjo
Ondando komumvo mOwambo 70c kUushimba nOkavango 90c
Kombanda yomafuta R1.30.
Oondando nomambestelo naga tumwe kOmukwetu,
Oniipa, P/B. 2015 Ondangwa, S.W.A.
Oshinyolwa shuule
wondeimi 1 otashi futilwa R1.00
oondeimi 2 --" --" R1.90
oondeimi 3 --" --" R2.70
oondeimi 4 --" --" R3.40
oondeimi 5 --" --" R5.00
Oto vulu okutuma efano lyaashoka wa hala shi tseyithwe nomatumbulo wo gasha ngele ope na.

The Finnish Mission Press Oniipa
P/B 2015 Ondangwa S. W. A.